



**Minneapolis Lub Tuam Tsev Hauj Lwm
Ntsig Txog Tub Ceev Xwm
Phau Ntawv Qhia Siv Txoj Cai thiab Txheej
Txheem**

Nab Npawb:
7-600

Xuv Xya – Cov Kev Ua Hauj Lwm Sab Nrauv

Lub Chaw Yuam Siv Kev Cai Lij Choj Kev Khiav Tsheb Mus Los

7-605 Kev Sim Tshuaj Khes Mis – Kev Yuam Cai Kev Tsav Tsheb
(10/05/01) (08/21/03) (09/26/16)

(A-B)

- A.** Thaum ntes ib tug neeg vim yog kev tsav tsheb/kev ua hauj lwm nrog tsheb thaum qaug cawv los sis siv yeeb tshuaj, los sis kev ntes pej xeem neeg vim yog DUI, tus tub ceev xwm uas ntes yuav thauj tus neeg uas xav tias muaj kev txhaum mus rau Lub Chaw Kuaj Tshuaj Khes Mis thiab DMT-G (Data Master Transportable – Gas uas muaj txoj hauv kev xaiv cuab yeej tsim hluav taws xob) Tus Neeg Ua Hauj Lwm uas muaj kev lees txais yuav muab kev kuaj kev ua pa rau tus neeg uas xav tias muaj kev txhaum. (11/08/16)
1. Tus neeg uas xav tias muaj kev txhaum muaj cai tsis kam ua qhov kev kuaj kev ua pa.
 - a. Yuav tsum tau nyeem Cov Lus Qhia Kev Pom Zoo Uas Tsis Qhia Ncaj Nraim (PS 01802-09) ua ntej muab qhov kev kuaj kev ua pa.
 - b. Yog tias tau muab qhov kev kuaj kev ua pa thiab tau tsis kam lees, ces qhov kev tsis kam lees yuav raug xam tias yog kev ua phem raws li Minnesota Sab Cai 169A.20, subd. 2.
 2. Yog tias Lub Chaw Kuaj Tshuaj Khes Mis (chemicals) kaw lawm, ces tus tub ceev xwm yuav ua zoo los nrhiav Tus Neeg Ua Hauj Lwm Ntawm DMT-G uas muaj kev lees txais los ntawm kev txuas lus rau MECC.
 3. Yuav tsum muaj kev ntseeg siab tias muaj daim ntawv tso cai tshawb nrhiav rau qhov kev kuaj ntshav yog tias:
 - tsis muaj Tus Neeg Ua Hauj Lwm Ntawm DMT-G uas muaj kev lees txais,
 - tus neeg uas xav tias muaj kev txhaum muaj teeb meem fab kev kho mob uas tsis tuaj yeem ua tau qhov kev kuaj kev ua pa,
 - tus neeg uas xav tias muaj kev txhaum pib qhov kev kuaj kev ua pa tab sis ho hais tias nws tsis uaj yeem ua tau qhov kev kuaj, los sis
 - pov thawj qhia tias muaj lwm yam yeeb tshuaj uas tsis yog cawv.
 4. Dhau li no lawm tus neeg uas xav tias muaj kev txhaum muaj cai tau txais kev kuaj ntxiv los ntawm tus neeg uas lawv tus kheej xaiv thiab lawv tus kheej ua tus them nqi thaum uas raug kaw.

- a. Tus tub ceev xwm yuav sau tseg qhov kev thov rau hauv CAPRS daim ntawv tshaj tawm thiab tso cai tus neeg uas xav tias muaj kev txhaum siv xov tooj los ua cov kev npaj rau qhov kev kuaj nyob rau lwm txoj hauv kev xaiv ua ntej kev thauj mus rau Hennepin Khauj Tim Lub Tsev Txim.
 - b. Tus neeg ua hauj lwm ntawm tsev txim yuav tau txais kev ceeb toom tias tog neeg uas raug ntes tau ua cov kev npaj rau qhov kev kuaj nyob rau lwm txoj hauv kev xaiv lawm.
 - c. Qhov kev kuaj nyob rau lwm txoj hauv kev xaiv yuav raug ua nyob rau ntawm Hennepin Khauj Tim Lub Tsev Txim.
- B.** Muaj cov xuv khoom tshwj xeeb nyob rau hauv Lub Chaw Kuaj Tshuaj Khes Mis rau kev muab qauv ntshav.
1. Cov qauv ntshav tsuas yog raug tso los ntawm tus neeg ua hauj lwm fab kev kho mob/tsev kho mob uas tau txais kev tso cai xwb.
 2. Yuav tsum muaj cim rau qhov qauv ntshav nyob rau sab nrauv ntawm lub npov xuv khoom nrog rau tus nab npawb lub plhaub ntim thiab qhov qauv yuav tsum raug tso rau hauv lub tub txias ntawm Lub Chaw Kuaj Tshuaj Khes Mis.
- C.** Tsim nyog yuav tau hu rau Tus Kws Tshwj Xeeb Uas Paub Txog Yeeb Tshuaj (Drug Recognition Expert, DRE) thaum tus tub ceev xwm ntseeg tias tus neeg ntawd tau tsav tsheb/ua hauj lwm nrog tsheb thaum uas siv lwm cov yeeb tshuaj uas tsis yog cawv los sis dhau ntawm cawv.
1. Tus tub ceev xwm los sis tus neeg ua hauj lwm ntawm Lub Chaw Kuaj Tshuaj Khes Mis yuav txuas lus rau MECC txhawm rau thov tus DRE.
 2. Yog tias tsis muaj tus DRE nyob rau hauv lub nroog, ces MECC yuav thov tus DRE los ntawm lwm lub chaw sawv cev (xws li, Minnesota State Patrol los sis University of Minnesota).
 3. Yog tias tsis muaj tus DRE los ntawm lwm lub chaw sawv cev, ces MECC yuav txuas lus rau tus DRE ntawm Minneapolis uas nyob sab nrauv lub luag hauj lwm los ntawm daim npe hu rov qab los muab kev pab.
- D.** Nyob rau txhua xwm txheej, uas suav nrog kev kuaj cov tub ntxhais hluas, tus tub ceev xwm uas kuaj yuav ua qhov kev xam phaj kaw ua kas xev vis dis aus. Qhov no suav nrog kev kaw ua kas xev vis dis aus hais txog qhov kev nyeem Cov Lus Qhia Kev Pom Zoo Uas Tsis Qhia Ncaj Nraim.
1. Tom qab kev ua tiav qhov kev xam phaj kaw ua kas xev vis dis aus thiab kev ntsuam xyuas DRE (yog tias tau thov), ces tus tub ceev xwm yuav ua kom tiav txheej txheem kev txheeb xyuas thiab:

- Tawm daim ntawv pov thawj thiab tso tawm tus neeg ntawd mus rau tus neeg uas muaj kev lav ris rau; los sis
- Tawm daim ntawv pov thawj thiab thawj tus neeg ntawd mus rau lub tsev thum tshuaj yeeb ; los sis
- Lis hauj lwm nrog rau tus neeg ntawd los ntawm Hennepin Khauj Tim Lub Chaw Ceev Cia.
- Yog tias tau ua tiav qhov kev ntsuam xyuas DRE thiab/los sis tus qauv kuaj ntshav uas tau los ntawm DUI lawm, ces thov Daim Ntawv Tsis Txaus Siab Uas Tos Kev Tso Tawm (Release Pending Complaint, RPC). Thaum ua tiav daim foos Kev Muaj Cai Ceev Cia, ces cov tub ceev xwm yuav tsum sau daim foos "RPC - DRE Case."
- Cov foos kev ntsuam xyuas DRE yuav raug xa mus rau lub chaw ua hauj lwm ntawm Nroog Minneapolis Tus Kws Lij Choj. Qhov no suav nrog qee cov kev ntsuam xyuas uas tseem ua tsis tau tiav vim yog cov neeg raug ntes tsis kam ua kom tiav cov kev ntsuam xyuas.

E. Kev Thim Daim Ntawv Tso Cai Tsav Tsheb

1. Rau cov neeg uas raug ntes uas tsis kam kuaj los sis rau cov neeg raug ntes uas ua qhov kev kuaj kev ua pa uas muaj qhov tshwm sim tawm los .08 los sis siab tshaj ntawd (.04 los sis siab tshaj ntawd rau tus neeg tsav tsheb lag luam), tus tub ceev xwm yuav txiav ces kaum tsis muaj duab ntawm tus neeg ntawd daim ntawv tso cai tsav tsheb txhawm rau ua kom tsis txhob muaj cai tsav tsheb mus ntxiv lawm. (11/08/16)
 - a. Thaum txiav daim ntawv tso cai, tus tub ceev xwm yuav ua kom ntseeg siab tias txhua cov ntaub ntawv kev piav qhia tseem muaj nyob li qub.
 - b. Tus tub ceev xwm yuav ua kom tiav Daim Ntawv Ceeb Toom Ntawm Xeev thiab daim foos Lus Txib Thim (PS 31123-10) thiab xa rov qab daim ntawv tso cai uas raug txiav ces kaum mus rau tus neeg uas raug ntes.
2. Yog tias kuaj ntshav nkaus xwb, ces tus tub ceev xwm yuav xa rov qab daim ntawv tso cai mus rau tus neeg tsav tsheb uas raug ntes **yam uas tsis muaj kev txiav daim ntawv tso cai**. Nws yog Minnesota Lub Tuam Tsev Hauj Lwm Ntsig Txog Tsheb (Minnesota Department of Motor Vehicles) lub luag hauj lwm uas yuav los ua kev nqis tes raws li cov tshwm sim tawm los ntawm kev kuaj.
3. Yog tias tus neeg uas raug ntes muaj Daim Ntawv Tso Cai Tsav Tsheb nyob sab nrauv xeev, ces **tsis txhob** txiav daim ntawv tso cai. Tus tub ceev xwm yuav ua kom tiav Daim Ntawv Ceeb Toom Ntawm Minnesota thiab Lus Txib Thim thiab xa rov qab daim ntawv tso cai mus rau tus neeg uas raug ntes.
4. Dhau li no lawm kuj yuav tau ua kom tiav daim foos Ntawv Ceeb Ntawm Xeev thiab Lus Txib Thim rau cov neeg uas raug ntes uas tsis muaj daim ntawv tso cai tsav tsheb, txawm li cas los tus tub ceev xwm yuav tau sau tias "**Tsis Muaj Daim Ntawv Tso Cai Tsav Tsheb (Not a Driver's License)**" rau saum hau ntawm daim foos.

5. Nyob rau txhua xwm txheej, yuav tau muab daim theej tawm xub thawj tshaj plaws ntawm Daim Ntawv Ceeb Toom rau tus neeg uas raug ntes thiab cov theej tawm uas seem yuav raug muab cia rau hauv Lub Chaw Kuaj Tshuaj Khes Mis nrog rau txhua lwm cov ntawv ua hauj lwm uas tau cuam tshuam. Tus neeg ua hauj lwm ntawm Lub Chaw Kuaj Tshuaj Khes Mis yuav xa daim ntawv ua hauj lwm mus rau Lub Chaw Khaws Ntaub Ntawv Sau Tseg.